

校本華嚴宗要義

全

186  
129

016213-000-9


186-129

華嚴宗要義(校本)

凝然/著

M34.12

ABD-0062




東大寺凝然大德原著  
古知谷森部暹禪師校訂

# 校本華嚴宗要義

京都書林 真友會發行

法華經  
海著



梁川  
月明



欠


MISSING

校中集嚴宗需義序  
談極佛之四說說果地之  
融通者乎唯集嚴言與凝  
也大方廣法華義嚴言果義  
略語十門攝于祖要均

謂學者之學於世情式類  
書未流布大方久矣豈可  
多埋壁泥珠之歎或予嘗  
遊南嶽未古古偶得古大  
書字者二本度躍之至手

意河潛將以公于道素予  
之志焉世時攝未熟遂墜  
七日以公歸來請壽祿格  
乃嘉乎學探瓠校訂為題  
一言俾以授之予菊明次

辛丑夏月 北寺知公光  
明山現壽教部匡釋識



子壽者原軍受書

凡例

一斯書雖簡而易華嚴一宗之要義整無不  
盡初學指南何書加旃是予所以校訂斯  
書以公于世也

一斯書素有二本其一則東大寺持寶院之  
藏本其一則東大寺圖書館之藏本今斯  
篇之本文一依持寶院之藏本冠頭云一  
本指圖書館之藏本讀者諒焉

一自凝然大德著斯書五百八十有八星霜  
于茲矣惜哉數歷傳寫之勞烏焉糝雜魯  
魚混淆豈可不慨哉故今對比二本考其  
異同間以私見竊為校訂題云校本華嚴  
宗要義

一劇忙之間校訂斯書恐有未得其宜者矣  
庶幾後賢之士質焉

校本華嚴宗要義一卷

東大寺沙門凝然述

古知谷光明山必滿森部逞禪校

美惡異說

夫華嚴法界難議難思微塵攝於十方剎那含於劫海帝網珠內  
現重重之影鏡光鏡中示隱隱之像相即相入攝體用之美同體  
異體窮鎔融之致遊覺意之至道初後圓通入普眼之玄門始終  
周滿覺城之東初心成正覺妙峯之南住位圓行德一生備曠劫  
之因一念昇究竟之果一乘法義融遍如是今明普法一乘教宗  
畧立十門示其塵露一教宗大意二教宗名義三立教開宗四一  
乘三乘五所立法義六本經次第七修證行相八諸雜法門九章  
疏分量十祖承弘傳以此十門粗陳宗旨法林之中僅舉一枝而  
已



曲忍典誤  
俱舍論下  
一本有為  
所依故名  
俱舍八字  
為是

第一教宗大意問以何義故名華嚴宗答以華嚴經為所依教建立義理顯示旨歸由是事故名華嚴宗大小諸宗多由所依教曲立名如俱舍論宗俱舍為門廣學有宗諸部論藏謂發智論六足論法勝毘曇雜心毘曇順正理論顯宗論等學此典也舊名毘曇宗習學八捷度論舊婆沙論舊俱舍等此等諸論其總名者是薩婆多宗此云說一切有以成實論為所依教名成實宗四分律等為所依教故名律宗以中論百論十二門論三部為所依故名三論宗以真言教為所依故名真言宗陳說定判有為無為諸法性相名法相宗此就所立所說為名或名唯識宗約所立義故若能詮教唯論藏故雖唯識論為初學門瑜伽大論十支諸論皆成習學窮義理故或名應理圓實宗所說法義與理相應世俗勝義四種道理三性三無性乃至二空所顯真理真會契合如是等理圓

義與二字  
恐衍

滿真實名應理圓實宗或名普為乘教第三時教普為發趣一切乘者說此教故一切乘者即是所被三乘五乘種種機故若依根本所依論教名瑜伽宗解深密經瑜伽大論是本所依以此為門十支諸論及其釋論大乘法相皆為所學就所住處名天台宗若依所依名法華宗如義真和尚弘仁年中奉詔製章名天台法華宗義真如是宗名多依所學或據餘門各立名字此華嚴經如來成道最初演說法界圓融十無盡主伴具足相即相入無礙法門為諸教源為諸乘本問何故如來初說此教答如來成覺朗照萬法以一切智一切種智無障礙智現證真理事法妙境理智真一究竟圓滿以自所證為物示此是故不起自內證處全如自證說其法體是故即於成正覺處菩提樹下最初說此自證法界若餘處說者容非自證故故三乘教移處說之表非如來自所證

圓融下一  
本有法界  
二字是

非圓機之  
機一本在  
器不是

故是故諸佛法爾最初要說甚深廣大法門賢首大師作探玄記  
建立十意陳教興義清涼大師作新經疏教因緣各開十門元  
曉惠苑各陳教興本經別有性起出現性起總相專明興意無量  
因緣如來出世出現本意為說一乘圓融大華嚴故問為何等機  
說大華嚴答此經必為一乘普機演說一切圓極普法譬如日出  
先照高山所說法門名日光教所被根緣名高山機問若爾此教  
唯被圓機應不攝引三乘小乘答非圓機之者不能受此法如來  
自證法體究極圓通無礙普徧周滿與此普法相應之者得受如  
是最極圓法二乘三乘既非此器是故聲聞眾雖在第八會如聾  
如盲懸隔見聞三乘菩薩雖無量億那由他劫修習六度普機未  
熟故不能入此法問此教既不被三乘小乘等法有不攝萬機之  
過攝二乘等為教深廣今教唯攝一乘普機不攝二乘豈為普法

答法是深奧佛所證故二乘不堪如聾如盲不能見聞如來境界  
非法不攝非教漏機根未熟故不能頓入若令二乘三乘等聽此  
華嚴者即非華嚴亦非一乘圓融普法應同三乘小乘等教云何  
令此不可思議自在法門同小乘乎問若爾此教應永棄捨三乘  
等類若有攝誘小機門耶若攝之者有何方便答普法圓教是不  
共故三乘小乘不能見聞雖直不聽不捨聞性其聞性者別教一  
乘大方便門二乘三乘由此迂迴得入圓教於此一乘別教之法  
流出三乘小乘等法由此方便漸漸誘引練磨長養說人乘法令  
離惡趣說天乘法令人乘以二乘法令離人天攝愚法小乘令  
入大乘大乘教中具說三乘以引愚法令迴心故迴教中聲聞斷  
證天超愚法彼諸聲聞漸入三乘大乘共教方作信解大乘菩薩  
如是陶練心志融暢長養根機堪入一乘是故開顯三乘異門會

故迴下恐  
脫心字

同會二字  
忍閱會誤

歸一乘真實大道開會二乘為入一乘門然後得入別教一乘舍  
那自體普賢法界別教一乘是所入法三乘同會為能入門同會  
之位一乘所立有同三乘名同教一乘同教一乘所入之時所立  
法義全別三乘名別教一乘是故如來出世本意為令眾生悟入  
別教普法一乘圓融大道問入別教者有幾許類答有二類機入  
別教法一頓入一乘機成道最初說華嚴經不簡凡夫及以聖人  
初心後心皆一乘機皆得悟解二漸入一乘機二乘三乘根緣不  
堪不能頓入別教普法如來慈彼於一分三漸次誘引於別教為  
頓入者初說一乘七處八會次第遊歷橫遍十方豎該十世一切  
法門第二七日宣示顯說究竟窮盡為漸入者從一乘法流出三  
乘鹿苑已後漸次化機從此三起終拈捨教此漸入法第二七日  
一念之中所顯現法海印三昧威神力故所現無遺皆悉說盡從

誘引下恐  
脫入字  
遊忍經誤

機忍儀誤

捨生下恐  
脫佛字  
法生下佛  
一本無不  
是

此所現別教法中隨機任宜指出三乘漸次誘攝迴轉入本漸入  
之者迴轉入一五所為中名為轉為轉小入三轉三入同從同方  
入別教一乘如是展轉名曰轉為漸入之者如是展昇終入法界  
圓融本處性起大樹二乘闡提二處不生而不捨生芽之性聲聞  
乘人於此普法生佛芽者如是誘引漸生佛芽終成覺樹玄記第  
一陳轉為云謂諸二乘以鈍根故要先迴入共教大乘捨二乘名  
得菩薩稱然後方入此普賢法乃至是故當知一切二乘總無頓  
入普賢法界依究竟說無有二乘而不迴入共教菩薩無彼菩薩  
而不入此普賢之法是故展轉無不皆是此法之器已上言共教  
大乘者正指始教三乘大乘愚法小乘轉入始教即成始教菩薩  
悟解大志通泰作大乘人惠苑法師陳小乘云要先迴入權教大  
乘餘即同此入三乘後必經同教方入別教同教為能入門在所

法界...

教故下志  
既已上三  
字

如是之人  
四字經無  
此一本及  
經作是

一代下恐  
有脫字如  
諸教二字  
似是以

見當作是  
前集二字  
恐衍

恐下本字  
鈔無

得下鈔有  
開字  
即下鈔有  
指字  
若鈔無

俞當作喻

入別教故問何故華嚴名為本教答諸教本故諸佛本故萬法本  
故萬行本故諸乘本故所出本故所歸本故攝末本故能證本故  
所證本故此諸義中肝要有二一開漸本性起品說日照譬故故  
法華云於一佛乘分別說三已上於華嚴經別教一乘開分三乘  
漸悟門故二攝末本二乘三乘長養機根終入別教圓融都故法  
華經中涌出菩薩有四唱導問訊如來衆生易度不勞否等如來  
答言此諸衆生始見我身聞我所說即皆信受入如來慧除先修  
習學小乘者如是之人我今亦令得聞此經入於佛慧已上演義  
鈔一下云華嚴未有末之可攝以法華攝末歸本歸華嚴故已上  
此明華嚴攝末之本演鈔亦云吉藏引此立三種法輪第一名根  
本法輪第二名枝末法輪第三名攝末歸本法輪已上嘉祥依此  
涌出品文立三轉法輪收攝如來一代一類所見化儀根本法輪

見華嚴經鹿苑已後法華前集已前是三乘枝末法輪法華是攝  
末歸本法輪清凉大疏引涌出文結成華嚴是根本義鈔牒釋云  
言斯則法華亦指此經以為本矣者結成本義若自立為本恐本  
義未明法華指此為本本義方顯始見入於佛惠既即華嚴亦令  
得法華入於佛惠豈非指初為本又法華第一云於一佛乘分別  
說三亦是從本流末即華嚴為一佛乘分別說昔之三三即鹿野  
四諦等若既不指華嚴為本鹿野之前以何為一乘耶已上此是  
釋成攝末之本漸入之者先小後大先三後一終入別教開漸本  
者出現所說四照大愈一先照高山被菩薩故說華嚴故此中直  
舉一乘菩薩兼攝三乘教中菩薩二次照黑山譬緣覺乘三照高  
原譬聲聞乘四照大地譬善根衆生乃至邪定開漸次第先大後  
小約別異入次第開漸鈔云始成便說華嚴是照菩薩山王此明  
法華攝末宗要義

名一本作各為是

有下一本有甚字是

先大後小已上其攝末相先小後大一人昇進至一極故問開漸攝末約何等機答頓入之者一切萬法本來一乘究竟圓融永無開漸三乘差異無開漸故無有先小後大等門進入之義普賢淨眼雖有諸乘本來不異別教一乘不見小乘如聾如盲不同小乘三乘教等專立三乘名明因果不同同教開會三乘同三明一待對說一別教一乘本無聲聞雖有聲聞是盧舍那不見不聞聲聞名體本來普徧一乘道故問華嚴別教云何攝引三乘教中菩薩乘人答別教當體全異三乘而亦約熟必入別教而所引菩薩有二類一直進菩薩本是三乘而亦約熟必入別教而所引菩薩有修行行解長養根緣調熟即入圓融二迴心菩薩亦名二乘本是愚法初聞大乘信解勝進即成迴心志意通暢作菩薩分已入共教捨二乘名得菩薩稱即此分人要經同教方入別教如前具明

此一本及經作是

義恐儀誤

儀恐衍

問直進菩薩經同教耶答直進菩薩初心之人情謂三乘決定差別執實有其二乘因果此情謂人要經同教即入別教法華經言菩薩聞此法疑網皆已除者即此人也若直進中無情謂人未必經同入自乘中證地之時即入別教一乘證地三乘教中無證地故問華嚴一乘唯有頓入無漸入者事義滿耶答華嚴滿教雖無漸入一切法義頓漸化儀事具足圓滿無有所闕海印定中一切法門具足顯現同時滿故漸入一乘事相化儀三世通徹皆顯現故第二七日一念之中過去無際現在十方鹿苑已後釋迦在世五十箇年說法化儀緣盡入寂流通舍利弘傳教法正法像法末法時中一切化事未來世事後々無盡無際之事皆於成道第二七日顯現窮盡無有所遺而鹿苑等五十箇年及滅後事皆是第二七日事儀從彼中出經歷成立問第二七日皆已顯現者何故

自後更重用之答不可後經不漸次用後應經事於前現故後不應經者前不可現故前已有者今即現故過去無始未來無終顯現事儀行相皆爾問若如此義頓入漸入化儀必有不可唯頓答若唯一乘無二乘土及無三乘差別之處漸入誘引不可顯現此事其處本來無故若總泛言一切顯現十方國土有此事故今此娑婆既是穢土如來化儀必有聲聞是故具開三乘化儀於此娑婆顯華藏界周徧法界無盡鎔融問清涼大疏言還照高山者為指華嚴指法華耶答雖似指法華而實指華嚴小乘入一法華為門是能入故華嚴別教即為所入所住極處今學法華能入之門兩取所入為還照教先照高山直指頓入還照高山約漸入者問何以得知法華本意攝引二乘令入華嚴答法華始終授聲聞記為入華嚴別教一乘故故譬喻品與太白牛一乘車中初是等一

此一乘經依是

出世二字當依世尊

大車後即無盡寶車等一是同教意無盡即別教義涌出品中得聞此經入於佛慧如上演鈔聞說法華入華嚴故嘉祥大師法華名攝末歸本法輪行相一同而嘉祥宗法華華嚴無有差別諸大乘教顯道無二故無差異今宗彼此施設懸隔問法華經云諸佛出世唯以一大事因緣故出現於世已上即指法華為一大事何故更言大華嚴故答諸大乘經望令成佛皆言大事不簡三乘大乘等教般若等教皆說此義今華嚴宗性起一品具說如來出現始終行相新云如來出現品焉十門出現皆顯大事第一出現總相法門窮盡如來出世本意依此文故清涼大師云出現本為大華嚴故已上一代一切諸教法門莫不皆是為大華嚴一大善巧別教普法其漸入者由同教門入別教宗得普賢眼指此所入名一大事同教為門故通同教終歸別教正指此法名為一大事因

緣也

第二教宗名義問何故此教名華嚴宗答本經精髓名為華嚴梵語具言摩訶毘佛界勃馱健拏諠訶素怛覽此云大方廣覺者雜華嚴飾經摩訶言大毘佛界言方廣勃馱言覺者健拏言雜華諠訶言嚴飾素怛覽言經今畧言大方廣佛華嚴經更舉精要言華嚴宗清涼師云所證之境即大方廣能證之心即佛華嚴已上佛所證境不過三大體天相大用大名三能證智心不過事理萬行因華感十身滿果故言華嚴華必感果一利萬行感佛果故所言感者得佛果故嚴是目感以得佛果名為嚴飾大疏序云華喻功德萬行已上鈔釋云此亦二義一感果華喻於萬行成佛果故或與果俱或不與俱俱如蓮華表因果交徹故不俱如桃李華不壞先因後果故二嚴身華喻諸位功德必與修果俱故下經云若見

滿慈衍

時當作開

華時當願眾生神通等法如華開敷若見樹華當願眾生眾相如華具三十二已上感果華要局佛果嚴身華且通因果玄記華有十義一微妙義表佛行德離塵相故二開敷義萬行敷榮性開覺故三端正義眾行圓滿德相具故四芬馥義德香普薰益自他故五適悅義勝德快樂喜無厭故六巧成義所修德相善巧成故七光淨義斷證永盡極清淨故八莊飾義了因明顯嚴本性故九引果義生因成立起佛果故十不染義處世不染如蓮華故問華嚴華者是何等華答華嚴華者蓮華為本通一切華諸感果者無不通故不簡華果同時前後不失由華感果故亦通一切非華之者嚴身飾體皆華義故問感果蓮華與法華華有何別耶答能喻事華彼此是同所喻法義彼此是別此經感果嚴身二義法華所喻開敷出水華實俱成因果雙說八不本淨八迷不染為實施權開

感果下  
本有義字  
為是

一代下恐  
脫諸字  
嚴常作儼

權顯實廢權立實權實二智同時雙顯如是法喻隨宗不同開敷  
出水法華論說因果雙說光宅所立八迷不染嘉祥妙解為實施  
權等是天台所解本迹二門各有三義總名本迹六譬權實雙顯  
清涼所釋慈恩用論開敷出水

第三立教開宗問此華嚴宗立幾教宗收攝判斷一代教答杜順  
大師弘華嚴宗建立五教陳演止觀智嚴大師承繼此獨建立五  
教莊飾弘通賢首尊者建興繁昌普天歸投率土順從清涼圭山  
弘通傳述潤色增光修飾窮究教則五教宗則十宗能詮所詮攝  
判究盡言五教者一愚法小乘教諸小乘教二部五部二十部五  
百部等一切三藏等教不知法空俱證人空雖說法空唯是少分  
亦不明顯二大乘始教般若中百等破相違執教深密瑜伽等建  
立法相典三大乘終教楞伽密嚴等經起信寶性等論蕩事顯理

世下恐脫  
部字

細一本作  
經不是

融相見性即此教宗四大乘頓教諸大乘中所顯所示言說頓止  
思量忽泯契會不二入住一理生心即妄不生即佛如是等也五  
一乘圓教華嚴一乘四種法界事事無礙圓明自在具德無盡主  
伴具足帝網重重如是等也言十宗者約所詮宗而建立故即五  
教中所顯宗旨一我法俱有宗續子部等二法有我無宗薩婆多  
部等三法無去來宗大衆部等四現通假實宗說假部等五俗妄  
真實宗說出世等六諸法但名宗一說部等此上六宗小乘中分  
七一切皆空宗亦名三性空有宗是始教宗八真德不空宗是終  
教宗九相想俱絕宗是頓教宗十圓明具德宗是華嚴經別教一  
乘以此五教十宗判斷大小教宗權實淺深無不究竟

第四一乘三乘問於五教中云何分別一乘三乘差別門耶答總  
而言之一乘三乘細分之三乘之外亦有愚法小乘合而言之  
校本華嚴宗要義



三乘之中二乘攝之法華三車含有愚法於五教中初小乘教即愚法教始終頓三並三乘教圓教即是一乘教宗此圓教者是指別教若漸入門攝二乘機立同教門非教本意立教本意唯別教宗問云何名爲三乘一乘答大乘教中說三乘別因果各別各歸自乘是故二乘不能成佛此即本性種姓別故說如是義名三乘教此教即說三乘五性一聲聞種姓二獨覺種姓三菩薩種姓此三各具自乘種子芽不具餘四不定種姓具三乘種非定一故然有四種一聲聞緣覺不定二聲聞菩薩不定三緣覺菩薩不定四三乘不定初一定性不能成佛後三成佛有佛種故五無性有情關無三乘無漏性種極以入天教化成就言一乘者一切衆生皆具理性真理爲性有此理故一切衆生無不成佛名一乘教若據結緣有三乘性是理性上暫時假立暫時性故後皆成佛而定性

芽一本作五爲是

者習性堅牢於此世中決定不迴必入涅槃寂後生心所入涅槃非實滅故心想還生迴心向大次第勝進修行成佛不定種姓此世迴心趣向昇進修行成佛問始終頓三教無一乘名耶答約五教門立三一名互有與奪不可一準始教名密意一乘終教名佛性一乘頓教名絕想一乘法華名同教一乘華嚴名別教一乘圓教分二同教別教始終頓三是故總立五種一乘愚法都無一乘之名五種一中唯別教宗是真實一根本一乘諸乘本故法華攝末歸本名一始終頓三雖三乘教隨所立義各與一名然始教宗三乘教本終頓二教三人所入故名三乘待對三乘故名三乘其所說相是一乘義專說三乘皆成佛故泯絕三乘歸一理故故清涼師始教大乘名三乘教終頓圓三皆名一乘若成佛門終頓二教共是一乘事事無礙別教一乘同教義門同頓同終或同始小

故名同教然於五教立三乘名亦有五種一始別終同三如小乘教二始終俱別三如始教宗三始終俱同三如終教宗四始終俱離三如頓教宗五始終俱同三如同教宗別教一乘無三乘名問同教一乘有種類耶答唯同三乘名爲同教不可有類若強言之有法華同教是對機同有華嚴同教是稱性同法華同教爲本兼有別教約所入故華嚴別教爲本兼有同教約該攝故直爾就正分二門者華嚴是別教法華是同教而已

第五所立法義問華嚴一乘教說何等法義答別教一乘法界法門體相森羅業用周遍攝束樞要成四法界一事法界卽是無礙所依體事卽有十對教義理事境智行位因果依正體用人法逆順應感此十對法各皆圓融或一攝餘互皆融攝二理法界攝歸真實寂寥湛然此有十門文繁畧之三理事無礙法界隨緣事法

與理一味此有十門各成無礙一理遍於事門二事遍於理門三依理成事門四事能顯理門五以理奪事門六事能隱理門七真理卽事門八事法卽理門九真理非事門十事法非理門以此十門明理事無礙相四事事無礙法界名周遍含容真理隨緣成種種事一一事法融通無礙亦有十門卽十玄門一同時具足相應門二廣狹自在無礙門三一多相容不同門四諸法相卽自在門五秘密隱顯俱成門六微細相容安立門七因陀羅網境界門八託事顯法生解門九十世隔法異成門十主伴圓明具德門此十玄門同一緣起於一一法具十玄門無礙圓融隨其一門卽有一切於一塵法具四法界一塵當體是事法界因緣所生分限法故此塵全以真理成立故還泯亡全是真理成理法界理卽成事事卽成理二門無隔是事理無礙故周徧真理全成一塵一塵之外

塵理之塵

無有真理自餘諸事不離塵理萬法與理在一塵內是則事事無礙行相故四法界同時有之不離真理一塵中事具十玄門同時具足廣狹自在相即相入如是等也事事無礙所因有十一唯心所現故二法無定性故三緣起相由故四法性融通故五如幻夢故六如影像故七因無限故八佛證窮故九深定用故十神通解脫故十中隨一即能令彼諸法混融無礙自在十玄二門一德相十玄舍那自德本具足故二業用十玄為物顯現成利潤故上四法界即是別教一乘所說法義綱要

大華嚴下  
一本有經  
字樣是

第六本經次第問此華嚴宗既是經宗本經所說行相云何答大華嚴一部六十卷七處八會三十四品理實法界緣起因果為宗高祖香象賢首大師大華嚴經總為五分一發起因緣分是初世間淨眼品當餘經序分明證信發起二序行相故一盧舍那品名

以下下恐  
脫有字三  
下又脫十  
品二字

舉果勸樂生信分說舍那果德令人信樂故此之二品是第一會名菩提場第二會有六品謂名號品四諦品光明覺品明難品淨行品賢首品是也名號以下三名修因契果生解分十信已後乃至性起品四十一位因果鉤鎖漸次成故由此次第生妙解故第二會六品中初之三品佛果三業為十信所依後之三品信位當相成解行德三品次配問何故十信如來三業以為所依發起性起答菩薩行位要攬佛果生起成辨是故如來三業為發起信位行況全攬果分為因分體是故因人成就一法果海即顯位位成佛即由此義問云何明難成十信解答明難品中十首菩薩各說一法初問文殊通問九首九首菩薩各答一深後有九首總問文殊文殊即說佛境一深此十甚深者一緣起甚深二教化甚深三業化甚深四佛說法甚深五福田甚深六正教甚深七正行甚深八

說一本作  
證不是

業化之化  
一本作果  
為是

校本華嚴宗要義

助道甚深九一乘甚深十佛境甚深也問云何淨行成十信行答  
 觀解深玄入諸佛法隨緣行願三業歷緣經說一百四十淨行理  
 事兼修悲智雙運四儀動作語默行住心住空理觀融事理此即  
 十信隨緣妙行問云何賢首成信位德答圓教十信解行已成所  
 得大果德用無盡信位窮滿沒同果海自證圓極居佛果地此初  
 發心同時成辦六位衆德若不得終者亦不得初故信位佛果中  
 間諸位同一緣起不相離故得一位時全成一切是故信滿通貫  
 始終該攝諸位自體滿足施無方用得十三味成無盡業十三味  
 者一圓明海印三昧門二華嚴妙行三昧門三因陀羅網三昧門  
 四手出廣供三昧門五現諸法門三昧門六四攝攝生三昧門七  
 俯同世間三昧門八毛光覺照三昧門九主伴嚴麗三昧門十寂  
 用無滯三昧門也上第二會十信法門竟第三會說十位位終

明十下照  
 一本作住  
 若爾明下  
 當加十字  
 讀下本  
 有初字爲  
 是  
 正住之住  
 恐位誤  
 分下一本  
 加也字似  
 是

有六品一昇須彌頂中一須彌偈讚品此二序分三十住品此明  
 十解四梵行品明十住行即十梵行遺著破執梵行成就便成正  
 覺五發心功德品明十住功德且讚住德上三自分六明法品此  
 明十住勝進分也此上四品十住正住正宗第四會說十行位此  
 有四品一夜摩昇天品二夜摩偈讚品此二序分三十行品四十  
 藏品此二正宗分第五會說十迴向此有二品一兜率昇天品二  
 兜率偈讚品此二序分三十迴向品是正說也第六他化自在天  
 會此有十一品一十地品二十明品五十忍品四阿僧祇品五壽  
 命品六菩薩住處品十明已後五品明第十地勝進分是當等覺  
 位七佛不思議法品八如來相海品九小相光明品十普賢行品  
 十一如來住起品不思議已後五品是佛果地妙覺位也此上諸  
 會具說四十一位行相令人生解第七重會普光法堂會廣說諸

卷下

天當作入

假當作段

攝龍下加  
王字似足  
下亦勸之  
比五上一  
本有攝字  
為是

位行法此即第四託法進修成行分唯有一品名離世間品菩薩  
 菩薩舉二百問普賢菩薩說二千行答其諸問二千法門隨應各  
 明五十二位成行方法第八名重閣講堂會此有一品即入法界  
 品也此即第五依人天證成德分由前行法證入所說所宗法界  
 海會故也此一會中總有二假初是本會祇園大眾入法界故是  
 頓證法界分即如來會二是末會文殊出閣往南化導并諸菩薩  
 隨緣化物是漸證法界分即菩薩會於中三會初攝比丘會二攝  
 龍會亦名攝諸乘會三攝善財會比丘攝龍攝善財之初皆文殊  
 為會主德雲已後以諸善友為其會主文殊師利於覺城東沙羅  
 林幢大塔廟處攝善財童子令滿信位善財知識總有五十五人  
 束為五相一寄位修行相初四十一人是也信位一人十住十人  
 十行十人十向十人十地十人一人成一位名寄位修行相二會

圓因誤

緣入實相十一人當等覺位三攝德成因相彌勒菩薩司補處功  
 德故四智照無二相再見文殊以初後不二故上來並是般若門  
 知識也五顯因廣大相普賢菩薩秘密重重即法界門知識也善  
 財童子值普賢時其毛孔中即見一切佛剎塵數境界念念如是  
 一切佛法盡極圓滿隨一一因皆稱法界甚深廣大不可思議於  
 前諸善友處所得三昧法門於普賢毛孔念念獲得前五十四般  
 若知識即是文殊能證妙智第五十五普賢知識所證真理二聖  
 理智契合即同盧舍那佛故名顯因廣大相也法界海會頓漸雖  
 異不異漸之頓不異頓之漸一圓滿果遍通普周此五分中初是  
 序分正宗四分輪轉無窮見果起信依信成解由解起行由行證  
 入證上說果後果起信乃至由行成證信解行證次第鈎鎖展轉  
 無窮是名一乘法輪行相本經宗旨狀相如是

教下一本  
有義義

第七修證行相問華嚴剛教圓融法門修行證入狀相云何答華嚴教修行證入隨機階差相狀非一或有頓悟漸修或有頓修漸悟或有頓悟頓修或有漸修漸悟如是行相隨宜多端且就頓悟漸修言之創值華嚴一乘別教聽聞自身如來藏中四種法界圓融無礙過恆沙德具足周備因果理事業用圓滿即發深信欣樂修顯如是信樂發菩薩心趣向堅固知法深大此大心中頓悟自身本來即是萬德庫藏無染無妄無盡自在具德宛然是名頓悟此悟即是解悟之悟非是證悟未修證故此解悟心徹底窮源頓解所領至果海故雖頓至源而惑未消是故漸修斷除惑障隨斷惑處斷德漸成隨證理處智德漸滿如是修行隨斷障處次第證悟由漸修故有此證解七處八會皆在自心所說萬法皆吾所有見聞已後成此頓悟解行生中念念事事頓悟漸修漸修漸悟於

薩忍提誤

速當作連

途一本無  
不是

一法中頓悟漸修法法皆爾同時圓備頓悟漸修最初要門速續修習衆門頓開是故頓悟頓修修悟同時漸修漸悟先修後悟隨宜進向任意修證者也華嚴修證隨緣無盡七處八會文文句句無非皆是觀門樞機華嚴列祖多立觀行杜順帝心創作華嚴法界觀一卷立三重法界觀門盡其精美亦作五教止觀一卷華嚴三昧窮究理趣三祖杳象觀門是多華嚴世界觀一卷遊心法界記一卷安靈還源觀一卷義海百門一卷普賢觀行法門一卷華嚴三昧章一卷清涼作三聖圓融觀一卷十二因緣觀等大疏演義鈔探玄記等皆以觀門解釋宗旨通玄居士造華嚴論等專以觀門釋成宗途

第八諸雜法門問華嚴宗中所說法數大小法義總有幾種答華嚴大經法相廣博會會品品數相無邊具錄名數徒費紙墨孔目

校本華嚴宗要義

開一本  
門不是

章中會會品品取其簡要明一百四十一科法門其中小科別開其相成數百餘法相法義然法相門總有三種一唯法相宗法相如三乘定性性相各別無性有情無無漏種等二唯法性宗法相三乘五性會歸一乘皆成佛道性相銘融理事無礙等三法相法性無違法相如四智三身八識二諦六度三性三無性等始教大乘少說法性多說法相所說法性即法相數終教大乘少說法相多說法性所說法相會歸法性總而言之始教大乘是法相宗終教圓教合名法性宗頓教大乘是無相宗故法性宗有終教法性有圓教法性此圓教者別教一乘同教法相全同終教上性相無違者多約終教法性若約圓教事事無礙十玄六相一切法門十十無盡並異終教法性之義而亦多有通終教始教法相之者所言別教華嚴法門者如孔目章等中列言五海十智十世界海四諦

六十當作  
十六

唯識十甚深十信十住十梵行十度十藏十迴向十地六決定教證二大五怖畏十願調柔等四果三聚淨戒四禪八定三十七道品十二因緣萬行道法十身相作四十辨才十明十忍如是等法無量無邊離世間品二千行法皆以十種為其定數此等法門皆是華嚴所說所說所談諸雜法門不能具錄如本經說  
第九章疏分量問此華嚴宗教典幾許答本經三本六十華嚴東晉所譯智儼大師作五卷疏名搜玄記香象大師作探玄記二十卷八十華嚴大周所譯慧苑法師作六十卷疏名續華嚴疏判定記清涼大師作大疏二十卷并演義鈔四十卷釋自大疏判定有違賢首所立清涼破判定成立賢首義四十華嚴貞元所譯清涼大師作十卷疏清涼亦作八十經綱要三卷通玄居士作華嚴論四十卷自餘諸章其數極多五教章旨歸綱目法界觀五教止觀

校本華嚴宗要義

開卷

五十要問答十玄章華嚴問答七科章遊心法界記策林還源觀  
義海百門普賢觀行華藏觀開脈義金師子章華嚴傳行願別行  
疏畧策法界玄鏡三聖圖融觀行願疏義記法界圖纂靈記注法  
界觀五教章多作記述指事義苑疏折薪記復古記集成記等如  
是章疏其數極多不能具錄智嚴香象清涼祖文本疏章鈔學者  
專翫餘師解釋兼包習學義途深廣大養神解

嚴當作儼

第十祖承弘傳問此宗立祖相承云何答若明立祖總通言之毘  
盧舍那開法教主普賢已下十祖所憑謂普賢菩薩文殊師利菩  
薩馬鳴菩薩龍樹菩薩天親菩薩杜順帝心尊者至相智嚴尊者  
康國賢首尊者清涼澄觀大師宗密定慧禪師是也大唐帝心已  
後皆血脈相承然清涼在香象滅後天竺五祖唯是依憑大宗淨  
源總立七祖大唐五祖加天竺馬鳴龍樹大日本國天平十二年

達當作幸  
隆助法橋  
下恐脫次  
辨曉法印  
五字

辰良辨僧正創弘華嚴日本華嚴自此而始新羅審祥禪師往大  
唐朝從香象大師學華嚴宗來朝之後住大安寺良辨請此於東  
大寺羅索堂初講華嚴良辨聞之即共興隆良辨弟子有實忠和  
尚次等定大僧都次正進律師次長歲和尚次道雄僧都次基海  
大德次良緒律師次圓超僧都次尊勝院本願光智大僧都次松  
橋已講次延達律師次深幸法橋次定暹得業次隆助法橋次道  
性法印次良賴權僧正次宗性權僧正次法印權大僧都宗顯次  
法印權大僧都公曉良辨已後至公曉法印經二十代並是日  
華嚴貫首公曉弟子有定曉大法師在此次後是宗貫首昔光智  
弟子有觀真律師次觀圓已講次延快已講次勝暹已講次良覺  
得業次景雅法橋次高山寺高辨上人橫然一燈大興華嚴高辨  
弟子有喜海大德海公下有靜海法師靜海下有照辨法師順辨  
校本華嚴宗要義



漢李季  
一本作機  
李不是  
遠當作遠  
七當作八  
傳通緣起  
云自天平  
十二年  
延曆八年  
己巳合五  
十年恒說  
華嚴

法師辨清法師辨清下有經辦法師高辨門人橫豎弘持學業繁  
昌宗緒弘昌日本華嚴宗東大寺為本良辨僧正為弘華嚴立東  
大寺聖武天皇特崇此宗雖學八宗以華嚴宗為其本宗自昔  
已來亦弘三論昔昌弘法相澆季廢不學中古已來華嚴三論兩  
宗繼踵習學甚昌英哲間出各提綱宗學業成林法緒速繇昔東  
大寺南大門額言大華嚴寺大佛殿二階額云恒說華嚴院自天  
平十二年至延曆七年首尾五十許年每日講說華嚴經及彼疏  
謂天平十二年已後三年終六十華嚴經即用探玄記其後講敷  
八十華嚴經用判定記六十八十常講不息恒說之言事實宜焉  
宗旨玄妙情慮懸涯依教理力綴其要義功業不虛要證十身而  
已

校本華嚴宗要義一卷

于時正和三年甲寅十月廿八日於東大寺戒壇院為關東光明  
寺檀越禪門撰之彼禪門殿下忠勤之暇普通諸宗顯密該綜  
性相兼練叩予以華嚴法門對談以兩三軸章更亦綴此簡章  
謹酬慇懃雅懷矣

華嚴宗沙門

凝然春秋七十五

明治三十四年十二月十日印刷  
全年一月九日發行

編輯者 森部 逞 禪

發行者 西村 九郎右衛門

全 藤井 佐兵衛

全 澤田 友五郎

全 下村 卯之助

全 澤田 吉左衛門

印刷者 藤谷 伊兵衛

京都市下京區下珠敷屋町東洞院西八橋町八番戶

全 市全 區寺町通五條上九橋詰町

全 市全 區五條通高倉東八塩電町

全 市全 區五條通番小路西八塩電町

全 市全 區古門前石橋町

全 市上京區九太町河原町東八町

跋

望絕於榮華之途而志安窮吾之域  
是達人之為也 蓮禪上人吉水門下  
之傑也 精通俱舍唯識天台華嚴之  
學 絕望於當世 修養多年有所深詣  
焉 予之學於南都也 與上人往來研  
為承以為常 頃日誦學之餘 校凝然  
大德所述華嚴宗要義 以廣益乎  
世 其為乎道亦至矣 夫振裘者必掣

法苑珠林

其旨... 提唱以華嚴經為根本法輪為補性  
之極談今此小冊子能卷一經之秘  
奧矣苟由是學焉則庶幾得擊領探  
源也其益乎後進不亦饒乎取志喜  
為跋明治辛丑晚秋高野山大學林  
教授真宗末葉浩然謹識

遠山純肇謹書

明治三十四年十二月一日印刷  
全年 月十日發行

編輯者

洛北大原古知谷阿弥陀寺住職  
森部 逞

禪

發行兼  
印刷者

京都市下京區下珠數屋町東洞院西入橋町番戶  
西村 九郎右衛門

發行者

全市全區吉門前石橋町  
澤田 吉左衛門

全

全市全區寺町通五條上七橋詰町  
下村 卯之助

全

全市全區五條通富小路西入塩竈町  
藤井 佐兵衛

澤田



美

